

EW NAMOPUNG

A forata ew Truk Visitors Bureau, a pwan forata napanapan, nangataman wiis, pochokunan me an angang, a pwan affata monien poputan angangan, a pwan ataeno TSL No. 22-20, me pwan ren ekkoch popun.

Epwe pung me ren ewe Legislature-un ewe Muun Chuuk:

1 Tetten 1. Kuna-an me Affaten Amwokut. Truk State Legislature a kuna
2 pwe tourism ina ew watten afefeita, pwan watte moni tonong seni ren anen
3 an epwe watten angangen sopai me pwan nenien angang ngeni aramasen Truk
4 State. Iei mineiei a affateno pwe a ew an ei Truk State Government amwokut
5 (policy) pwe afefeitan tourist industry (pekin kangkotang) epwe kanapeno me
6 apochokun, pwan ren an epwe fetaneoch me pung amwokutun ei sakkun industry,
7 pwan watte namotan mei tonong, a men ew watten auchea an Chuuk an epwe
8 anamwota ekkewe sopai mei aani mwokutun ei pekin tourist, me pwan an muun
9 me nouwiis kewe pekin ar repwe aninnis fongon non ew chok pekin mwokut ngeni
10 ei pekin tourist an epwe fefeita.

11 Tetten 2. Foruta. Ew Truk Visitors Bureau, epwe iteni "Visitors
12 Bureau"iei a foruta.

13 Tetten 3. Nemeneman. Ewe Visitors Bureau epwe amwokut me nomw fan
14 nemenien ew Board of Directors, choon epwe ukukun tiwemon (9); nimon (5)
15 repwe finita me ren ewe Kepina fiti kapunguno seni ewe Truk State Legislature,
16 me fomon (4) repwe kefinita me ren ewe Speaker-un ewe Truk State
17 Legislature. Me nein ekkewe tiwemon (9) repwe kefinita me ren Kepina me
18 Speaker, nimmon (5) repwe seni pekin business ar angang mei pwan kuu pekin
19 tourist, nge fomon (4) repwe kefinita seni chok aramasen Truk State. Ewe
20 Director-un ewe Putaen Resources me Development non Chuuk epwe i technical
21 staff ngeni ewe Board tori an a kefinita ewe Executive Director non ewe
22 Bureau me ren ewe Board.

23 Tetten 4. Nangatamen Wiis. Nangatamen wiis ren monun ewe Board of
24 Directors epwe ruu(2) ier. Wiis mei ponuno me won ewe Board pokiten samaw,
25 mano ika resain (wees) seni wiis epwe ammasou non chok pwan ewe napanapan
26 katonong, nge ren nangatamen ar wiis epwe chok non metewe fansoun esemwo

1 much non ewe kinikinin wiis ren ewe a tou seni wiis. Monun ewe Board mei
2 tongeni katou seni wisan ren popun mei pung me wewech an epwe wees, fan
3 pungun tipeewin nimmon (5) monun ewe Board non ar uttut, epwe fis nupwen
4 an ewe Board mwiich, mei pwan wor quorum.

5 Tetten 5. Niwinin Monun ewe Board. Meinisin monun ewe Board of
6 Directors non ewe Bureau repwe entitled ngeni niwin, ika allowance ren
7 siwinin niwin, fan pungun met annuk mei affata ren boards me commissions,
8 nupwen ir mei wesewesen fori angangen wiser kewe (official duties) ren ar
9 chooni ewe Board ren met ewe Board mei okkunou ngeniir; Nge, ekkewe ir
10 mei chon angangen ewe Muunap, me Muun State ir mei fiti an ewe Board mwiich
11 non fansoun angangen me kunokun ar angangen wiser kewe non muun, resap
12 tufichin ika resap entitled ngeni niwin ika allowance me nukun chok pusin
13 niwinir me non ar kewe angangen muun.

14 Tetten 6. Aewin Mwichen Achufongoni ewe Board. Nefinen inik (30) ran
15 me murin an a kapunguno monun ewe Board, ewe Director-un ewe Putaen
16 Resources me Development epwe akkou ewe Board an epwe fori an aewin
17 mwichen achufongoni pwan wisen nemeni ena mwiich. Non ena aewin mwiich,
18 ewe Board epwe finata seni nein monun kewe emon noun Chairman, emon Vice-
19 Chairman, emon Treasurer me pwan emon Secretary. Ewe Board mei pwan
20 tongeni finata met nouwisin ewe Board a mochen awora me finata ika a mefi
21 pwe mei namot me pwan auchea. Ewe Board epwe mwiich, nekukunoon, epwe fan
22 ew non ew kuocheen (quarter) ew ier non inet fansoun me neni ewe Chairman
23 epwe pusin finata. Ewe Chairman mei pwan tongeni akkoou ekkoch mwiichen
24 ewe Board me nukun ewe mei foruno ika a mefi pwe mei auchea me namot, ika
25 fan pungun tungor-een epwe ukukun nimmon(5) monun ewe Board.

26 Tetten 7. Quorum. Onomon (6) monun ewe Board epwe ina aukukun chon
27 ewe Board ren quorum-un mwiich an ewe Board, nge tipeewin majority-in
28 monun ewe Board epwe ina ukukun ren met an ewe Board mwokut me action epwe
29 official. Ewe Chairman non ewe Board epwe i ewe Executive representative
30 ren ewe Bureau, pwan i ewe certifying officer.

1 Tetten 8. Executive Director. Angangen ewe Bureau ren ran me ran
 2 epwe nomw fan amwokutuwen me nemenien, pwan tumunuwen emon Executive
 3 Director, i epwe kefinita pwan angang non wisan-we fiti chok mochenin
 4 ewe Board. Ewe Board epwe pwan awora me atononga chon angang me pekin
 5 seketeri nupwen a mefi pwan kuna auchean pwan mefi pwe mei namot, anongo-
 6 nong me fiti aukuuk annuk mei fori, pwan woren moni, ren an epwe anisi
 7 ewe Executive Director non angangen me mwokutun ewe Bureau.

8 Tetten 9. Pochokunen me Angangen ewe Bureau. Ewe Bureau, fan
 9 mwokutun ewe Board of Directors, epwe aani me fori ekkei pochokun me
 10 angang:

11 1) Epwe fori an tourist repwe mochen tonong ngeni Chuuk ren
 12 pesei me amwasanga ar repwe pwapwaiti me mochen tori fonuwen non Chuuk;

13 2) Awora programen esinefetanei ngeni fonufan pwan efefeitan
 14 sinefichi usun ekkewe pisekin katon fan saat ren chon tuuno won ekkewe
 15 pisekin katon non me faan saat, mettoch me pisek mei auchea non pekin
 16 uruwoon Chuuk, angang apwapwa non pekin attaw, pwan sakkun mettochun
 17 ekkei fonu mei auchea ngeni katon me kaeo usun nonnomwun aramas me usun
 18 uruwoon ekkei fonu non Chuuk, pwan met anen an epwe chomongeno chon
 19 mochen tonong katon ekkei fonu;

20 3) Epwe awora memeeef ngeni ewe Kepina me ewe Legislature ren
 21 met mei auchea non pekin kanapenoon me efefeitan ekkewe nenien me
 22 pisekin tourist ren facilities, pwan awora recommendation ren an epwe
 23 eochuno met tourist repwe pwapwaiti me non ekkei fonu murin ar tonong;

24 4) Epwe pesei me amwasanga an pekin private repwe aninis
 25 fan nour moni non pekin tourist ren angangen kanapenoon me eochunoon ekkewe
 26 tourist facilities non Chuuk;

26 5) Epwe operate-ini ewe Truk Ethnographic Exhibition Center,
 27 pwan forata me awora nenien information me pekin etiwetiw me souni pwan
 28 awora staff non ekkena sakkun imw ika neni ren ar repwe wisan amwokutu
 29 fansoun waretoon tourist;

30 6) Epwe anapano angangen clean-up won fonuwen non Chuuk, fotuki
 31 iraan anninga me aeochuweno nenien tourist, ika programen ei pekin;

1 7) Epwe awora puken information non kapasen Merika me Japan,
2 ika pwan ekkoch kapasen fonufan, ren an epwe einet ngeni tourist mei
3 tonong non Chuuk;

4 8) Epwe study-ini me kutta met ekkewe an tourists needs me
5 pwan facilities;

6 9) Epwe recommend-ini me tungor fonu ika neni ren tourist
7 sites ika facilities;

8 10) Epwe aninisioch ngeni mwiichen me kumiin private me
9 organizations;

10 11) Epwe coordinate-ini sakkun angangen pekin tourist ngeni
11 meni departments, agencies non ewe state government me pwan municipal
12 governments;

13 12) Epwe kuta me awora sakkun chon angang non pekin technical
14 service me pwan sakkun chon angang ika staff mei mefi pwe mei namot ren
15 angangen ewe Bureau;

16 13) Epwe nochchei an epwe chooni met tourist organization non
17 fonufan ika kinikinin non fonufan ika neni me neni mei asenipato fefeitan
18 angangen ewe Bureau;

19 14) Epwe adopt-ini, fiti kapungunoon me ren ewe Kepina, met
20 rules me regulations mei auchea me namot ren amwokutun kapasen ei
21 annuk; pwan

22 15) Epwe compile-ini ika fori non taropwe met statistics ika
23 porausen angangen me pekin tourist mei auchea ngeni amwokutun ei annuk.

24 Tetten 10. Accounts me Records. Ewe Truk Visitors Bureau epwe tumunu
25 accounts me records nupwen mei auchea me namot ren an Truk State Legislature
26 epwe sinei me fat ngeni ika kapasen ei annuk mei fisioch ika apw. Ekkena
27 accounts me records epwe moneta iteiten fansoun ngeni pekin katon me
28 inspection me pwan angangen chek ika audit, ika Truk State Legislature
29 a kuna pwe mei auchea.

30 Tetten 11. Annual Report. Ewe Truk Visitors Bureau epwe awora an
31 annual report ngeni ewe Kepina me ewe Truk State Legislature nesaponon

1 ew me ew fiscal year, epwe affatatiw porausen an angang, porausen moni
2 ren nounoun me met nussun mei wor, ukukun noun ewe Bureau moni non
3 foufoun moni, non pisek, non pwan met epwe kamoou, ika moni mei wor non
4 pisek me fonuwen ewe Bureau, ukukun moni tonong, moni tou, sakkopaten non
5 aukukun nussun moni, me pwan met an recommendations ren fefeitan me
6 eochunoon ewe Bureau.

7 Tetten 12. Transfer-un Property Ngeni ewe Visitors Bureau. Fansoun
8 an a poputa pochokunen ei annuk, ikkei ekki properties ika pisek epwe
9 transfer ngeni ewe Visitors Bureau:


10 1) Meininis supplies, records, statistics, brochures, maps,
11 me pwan met mei ku me weneiti pekin tourist mei nomw fan nemenien me
12 tumunuwen ewe Putaen Resources me Development non Chuuk; pwan

13 2) Meininis mettochun me pisekin noomw mei wor uruwoon ren
14 "artifacts" pwan tóri met handicrafts, sasing ika photographs, mettochun
15 eepi ngeni aramas, ika "display" pwan pisekin ewe Truk Ethnographic
16 Center mei nomw fan nemenien me tumunuwen ewe Putaen Resources me
17 Development non Chuuk.

18 Tetten 13. Katano. Annukun Chuuk No. 22-20, ewe a forata ewe Tourist
19 Commission, non an a piin ekkesiwin, iei a katano non unusan meininis.

20 Tetten 14. Monien Poputan Angangan. Ewe ukukun \$15,000 mei kawor
21 me ren Tetten 5(a) (24) me non Annukun Chuuk No. 6-24, ren fan asengessin
22 ewe Visitors Bureau, epwe ina monien poputan angangen ei Truk Visitors
23 Bureau.

24 Tetten 15. Poputan Pochokunan. Ei Namopung epwe poputa pochokunan
25 fansoun an a kapunguno me ren ewe Kepina non Chuuk, ika fansoun an a
26 pusin winita annuk won winikapan.

28
29 Sain seni: 
Fritz W. Hartmann, Speaker
Truk State Legislature

30
31
32 Annetata: 
Datisi Albert, Chief Clerk

Pwinin maram: 5/19/88

33
34 Kapunguno seni: _____
Gideon K. Doone, Governor
Truk State Government

35
36 Pwinin maram: _____